

Na osnovu člana 48. stav (5) i člana 84. stav (5) Zakona o državnoj službi u Tuzlanskom kantonu („Službene novine TK“, broj: 11/24 - prečišćen tekst), te člana 34. Zakona o radu („Službene novine FBiH“, broj: 26/16, 89/18, 44/22 i 39/24) nakon provedenog postupka za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, po Odluci o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02/30-A-11184-2025 od 16.07.2025. godine, a u skladu Izvještajem o radu Komisije za provođenje Javnog poziva od 03.09.2025. godine, te utvrđenom Konačnom rang listom kandidata koji ispunjavaju uslove iz Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, Gradonačelnik donosi

ODLUKU

o prijemu lica na stručno osposobljavanje bez zasnivanja radnog odnosa u službe za upravu i stručne službe Grada Tuzle

Član 1

Ovom odlukom, a na osnovu kriterija i procedura prijema lica na stručno osposobljavanje bez zasnivanja radnog odnosa utvrđenih i propisanih Odlukom o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02/30-A-11184-2025 od 16.07.2025. godine, prima se na stručno osposobljavanje bez zasnivanja radnog odnosa u službe za upravu i stručne službe Grada Tuzle **19 (devetnaest) kandidata** koji se nalaze na Konačnoj rang-listi kandidata koji ispunjavaju uslove iz Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle i to kako slijedi:

Lica sa VSS/VII stepenom stručne spreme ili visokim obrazovanjem prvog, drugog ili trećeg ciklusa bolonjskog sistema studiranja koji se vrednuje sa najmanje 180 ECTS bodova - **pravne ili upravne struke** :

1. Pehlić Una,
2. Krasnići Faton (6 mjeseci),
3. Šarić Tea.

Lica sa VSS/VII stepenom stručne spreme ili visokim obrazovanjem prvog, drugog ili trećeg ciklusa bolonjskog sistema studiranja koji se vrednuje sa najmanje 180 ECTS bodova - **ekonomske struke** :

1. Mešić Asja,
2. Altumbabić Jasmina,
3. Latifagić Asja,
4. Hamzić Adela.

Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa bolonjskog sistema studiranja koji se vrednuje sa najmanje 180 ECTS bodova - **saobraćajne struke**:

1. Hukić Anel.

Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa bolonjskog sistema studiranja koji se vrednuje sa najmanje 180 ECTS bodova – **društvene struke (novinarstvo/žurnalistika):**

1. Hadžić Amna.

Lice sa VSS/VII stepenom stručne spreme ili visokim obrazovanjem prvog, drugog ili trećeg ciklusa bolonjskog sistema studiranja koji se vrednuje sa najmanje 180 ECTS bodova – **društvene struke:**

1. Pavlović Tina.

Lica sa III/IV stepenom srednje stručne spreme **saobraćajne struke:**

1. Jaganjac Damir,
2. Razić Izet,
3. Šimić Mateo,
4. Knežević Rinko.

Lica sa IV stepenom srednje stručne spreme **društvene struke:**

1. Tufekčić Nermina,
2. Nuhanović Amna.

Lica sa IV stepenom srednje stručne spreme **geodetske struke:**

1. Subašić Denisa,
2. Beganović Kenan,
3. Moranjkić Nedim.

Član 2

Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju najduže do 12 mjeseci za lica sa završenom visokoškolskom kvalifikacijom, odnosno do 6 mjeseci za lica sa završenom srednjoškolskom kvalifikacijom.

Ukoliko se utvrdi da primljeni kandidat bude imao, odnosno stekao radno iskustvo kod drugih pravnih subjekata, a kraće od 12 mjeseci (za lica sa VSS), odnosno kraće od 6 mjeseci (za lica sa SSS), ugovor o stručnom osposobljavanju bez zasnivanja radnog odnosa će biti zaključen na period koji nedostaje do navršavanja 12 mjeseci (VSS), odnosno do navršavanja 6 mjeseci (SSS) radnog iskustva kandidata.

U tom slučaju primljeni kandidat dužan je prije zaključivanja Ugovora dostaviti dokaz o dužini trajanja prethodno stečenog radnog iskustva nakon sticanja diplome visokog obrazovanja - VII stepena stručne spreme, odnosno namjane I ciklusa studija po Bolonjskom sistemu studiranja, odnosno dokaz o dužini trajanja prethodno stečenog radnog iskustva nakon sticanja diplome srednje stručne spreme – III/IV stepena.

Član 3

Međusobna prava i obaveze između Grada Tuzle i lica na stručnom osposobljavanju bez zasnivanja radnog odnosa regulisat će se posebnim ugovorom o stručnom osposobljavanju bez zasnivanja radnog odnosa u skladu sa odredbama Zakona o radu („Službene novine FBiH“, broj: 26/16, 89/18, 44/22 i 39/24).

Član 4

Svi primljeni kandidati dužni su u roku od dva dana od dana objavljivanja ove odluke na oglasnoj tabli Grada Tuzle i na službenoj web stranici Grada Tuzle obavijestiti Stručnu službu za poslove gradonačelnika, primarno putem mail-a na obje mail adrese : **majah@tuzla.ba** i **greg.marinovich@tuzla.ba** ili alternativno putem telefona : 035/307-417; 035/307-416, da će pristupiti potpisivanju Ugovora, u protivnom smatrat će se da primljeni kandidat odustaje od potpisivanja Ugovora.

Član 5

Odluka stupa na snagu danom donošenja i bit će objavljena na oglasnoj tabli Grada Tuzle i na službenoj web stranici Grada Tuzle.

Obradio : Greg Marinovich, dipl. pravnik

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADONAČELNIK
Broj: 02/30-A-11184-2025
Tuzla, 03.09.2025. godine

GRADONAČELNIK



Dr. sc. Zijad Lugavić, dipl. oec.

Obrazloženje

Na osnovu Odluke o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02/30-A-11184-2025 od 16.07.2025. godine, Grad Tuzla je 28.07.2025. godine na službenoj internet stranici Grada objavio Javni poziv za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle i to za osposobljavanje za samostalan rad **5 (pet)** lica pravne ili upravne struke - VSS, **3 (tri)** lica ekonomske struke - VSS, **1 (jedno)** lice arhitektonske struke - VSS, **2 (dva)** lica građevinske struke - VSS, **1 (jedno)** lice geodetske struke - VSS, **1 (jedno)** lice saobraćajne struke - VSS, **2 (dva)** lica društvene struke (novinarstvo/žurnalistika) - VSS, **1 (jedno)** lice elektrotehničke struke - SSS, **2 (dva)** lica saobraćajne struke - SSS, **1 (jedno)** lice društvene struke - SSS i **2 (dva)** lica geodetske struke - SSS.

Rješenjem Gradonačelnika, broj: 02/30-A-11184-2025 od 12.08.2025. godine formirana je Komisija za provođenje Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle čiji je zadatak bio da provede postupak prijema lica na stručno osposobljavanje bez zasnivanja radnog odnosa u službe za upravu i stručne službe Grada Tuzle po Javnom pozivu za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle na način utvrđen Odlukom o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle.

Nakon provedenog postupka izbora kandidata prijavljenih na Javni poziv koji je u skladu sa uslovima i kriterijima propisanim Odlukom o raspisivanju Javnog poziva podrazumijevao bodovanje i intervju sa kandidatima, te razmatranje prigovora na sastavljenu Rang listu kandidata koji ispunjavaju uslove iz Javnog poziva, Komisija je sačinila Konačnu rang-listu kandidata koji ispunjavaju uslove iz Javnog poziva i uz Izvještaj o provedenoj proceduri Javnog poziva dostavila Gradonačelniku na odlučivanje.

Uvidom u Izvještaj o provedenoj proceduri Javnog poziva utvrđeno je da je Komisija na Konačnu rang-listu kandidata koji ispunjavaju uslove iz Javnog poziva iz reda pravne ili upravne struke (VSS) uvrstila **3 (tri)** kandidata, iz reda ekonomske struke (VSS) **4 (četiri)** kandidata, iz reda saobraćajne struke (VSS) **1 (jednog)** kandidata, iz reda društvene struke (novinarstvo/žurnalistika) (VSS) **1 (jednog)** kandidata, iz reda društvene struke (VSS) **1 (jednog)** kandidata, iz reda saobraćajne struke (SSS) **4 (četiri)** kandidata, iz reda društvene struke (SSS) **2 (dva)** kandidata i iz reda geodetske struke (SSS) **3 (tri)** kandidata, **tj. ukupno 19 (devetnaest) kandidata.**

Kako je Javni poziv bio rapisan za prijem ukupno **21 (dvadeset i jedno)** lice na stručno osposobljavanje bez zasnivanja radnog odnosa, od čega **15** lica sa VSS i **6** lica sa SSS, te imajući u vidu činjenicu da je na Javni poziv pristiglo ukupno 20 prijava koje ispunjavaju uslove iz Javnog poziva, te da nije bilo prijavljenih kandidata iz reda arhitektonske, građevinske i geodetske struke (VSS) - **4 tražena kandidata** i iz reda elektrotehničke struke (SSS) - **1 traženi kandidat**, a uzimajući u obzir činjenicu da se nije prijavio dovoljan broj kandidata iz reda pravne ili upravne struke VSS - **2 nedostajuća kandidata**, te da je **1 (jedno) lice** društvene struke (novinarstvo/žurnalistika) VSS odustalo od daljnje procedure Javnog poziva, Komisija je u svome Izvještaju predložila da se na stručno osposobljavanje bez zasnivanja radnog odnosa prime svi kandidati koji se nalaze na Konačnoj Rang listi - **19 (devetnaest) kandidata.**

Slijedom navedenog Gradonačelnik je prihvatio prijedlog Komisije i u skladu sa članom 3. stav (4) Odluke o raspisivanju Javnog poziva za prijem lica na stručno osposobljavanje bez zasnivanja radnog odnosa u službe za upravu i stručne službe Grada Tuzle, broj: 02/30-A-11184-2025 od 16.07.2025. godine donio ovakvu odluku.

Tuzla, septembar/rujan 2025. godine.

GRADONAČELNIK